

## **FYLGISKJAL NR. 3004**

**DAGS 28.05.2010**

### **SAMANTEKT:**

Hér ritar Herdís Sigurjónsdóttir blogfærslu, sem styðst við grein er birtist sama dag í Mosfellingi, fréttablaði í Mosfellsbæ og dreift er það í hvert hús.

Herdís Sigurjónsdóttir var forseti bæjarstjórnar Mosfellsbæjar á þeim tíma sem Hulduhólamálið var keyrt í gegnum stjórnkerfi Mosfellsbæjar, utan þess að lóðaleigusamningar dags. 08.03.2005 fóru aldrei fyrir bæjarráð né bæjarstjórn, engar fundargerðir til um það.

Á bæjarstjórnarfundi nr. 405 stýrði Herdís fundi sem forseti bæjarstjórnar (sjá fylgiskjal nr. 1033, dags. 13.10.2004) en á þeim fundi er sagt að Haraldur Sverrisson hafi vikið fundi en þar var á dagskrárlið nr. 11 að fjalla um deiliskipulag á landi Hamrafells, Hulduhóla og Láguhlíðar. Var ákveðið með 6 atkvæðum að fresta málinu en það var svo tekið fyrir síðar.

Á bæjarstjórnarfundi nr. 407 (dags. 10.11.2004 – sjá fylgiskj. 1034) var dagskrármál nr. 2 tekið fyrir og var um að ræða deiliskipulag á landi Hamrafells, Hulduhóla og Láguhlíðar. Var samþykkt sú umsögn sem lá fyrir frá skipulagshöfundum. Deiliskipulagið var samþykkt og sent Skipulagsstofnun í samræmi við 25. gr. skipulags- og byggingarlaga. Þessi samþykkt var gerð án þess að leitað yrði samninga varðandi hagsmuni Mosfellsbæjar í málinu gagnvart lóðarleiguhöfum, sbr. fyrri umræður í bæjarstjórn, sjá fskj. 1012.

## HÖFUNDUR

### Herdís Sigurjónsdóttir



Er mamma, eiginkona,  
vinkona, systir, dóttir,  
frænka, sjálfstæðiskona,

umhverfis- og  
auðlindafræðingur, doktorsnemi í  
opinberri stjórnsýslu við HÍ og  
starfsmaður hjá VSÓ Ráðgjöf.

## Sannleikurinn um Hulduhólamálið

28.5.2010 | 23:16

*Viljirðu svívirða saklausan mann,*

*segð'engar ákveðnar skammir um hann.*

*Láttu það svona í veðri vaka,*

*að þú vitir hann hafi unnið til saka.*

Þessi vísa er mér ofarlega í huga og er ástæðan sú að verið er að svívirða Harald Sverrisson bæjarstjóra samstarfsmann minn að ósekju. Pólítískir andstæðingar reyna að gera það tortryggilegt að móðir Haraldar, Steinunn Marteinsdóttir, seldi lóðir úr landspildu sinni að Hulduhólum.

Foreldrar Haraldar, keyptu jörðina Hulduhóla árið 1969. Landið var alls 28 hektarar og náði frá Vesturlandsvegi niður að sjó. Mosfellsbær leysti til sín 24 hektara svo byggja mætti Höfða- og Hlíðahverfi. Árið 2000 var lagt til að skipulagðar yrðu 30 lóðir. Í framhaldi af því ákvað Mosfellsbær að deiliskipuleggja land Hamrafells, Hjallabrekku, Láguhlíðar og Hulduhóla og tók deiliskipulagið gildi 29. apríl 2005.

Fjórum árum eftir að deiliskipulagið tók gildi, gerði fulltrúi Framsóknarflokksins athugasemdir við deiliskipulagsferlið. DV birti einhliða frétt um málið og þegar Haraldur leiðrétti rangfærslurnar, neyddist DV til að draga fréttina til baka og birti ítarlegar leiðréttingar og þaðst blaðamaðurinn afsökunar. Ítrekað hefur framsókn notað röngu fréttina án þess að skeyta um leiðréttingarnar.

Óskaði Haraldur sjálfur eftir því að safnað yrði saman gögnum um málið og var bæjarráði falið skoðun málsins. Bæjarráð, skipað fulltrúum VG, Samfylkingar og Sjálfstæðisflokks ásamt áheyrnarfulltrúa Framsóknarflokksins fór yfir málið lið fyrir lið.

Skoðun okkar leiddi í ljós að farið var að vinna eftir skipulagi sem samþykkt hafði verið samhljóða í bæjarstjórn, áður en það hafði formlega tekið gildi. Ferli við uppskiptinguna var ábótavant. Skaðinn var enginn fyrir Mosfellsbæ og málsaðilar höfðu ekki af því ávinning

nema síður sé. Það sem reynt er að gera tortryggilegt snýst um tímasetningu, ekki hagnaðarvon og voru fulltrúar allra flokka sammála um að skoðun væri lokið. Þess bera að geta að Haraldur vék alltaf af fundum þegar málið var til umfjöllunar og tók ekki þátt í umræðu um það.

Annað mál hefur einnig verið til umfjöllunar, en það eru dylgjur um tengsl Haraldar við Alefli ehf. Mér er gróflega misboðið þar sem ég veit betur og tel mér því bæði rétt og skylt að koma hinu sanna á framfæri.

Með öllum atkvæðum var samþykkt í bæjarráði í ágúst 2005 að úthluta Alefli lóð í miðbænum að fenginni umsögn skipulags og byggingarnefndar sem veitti jákvæða umsögn samhljóða. Lóð Aleflis í Krikahverfi var dregin út að viðstöddum öllum fulltrúum í bæjarráði og því átta ég mig ekki á því hvernig kjörnum fulltrúum sem vita betur dettur í hug að láta eins og það hafi verið vinagreiði.

Sama má segja um leiguhúsnæði sem sjálfstæðisfélagið leigir af Alefli, en um er að ræða hefðbundna leigu sem félagið greiðir mánaðarlega líkt og aðrir leigjendur í húsinu.

Haraldur og eiginkona hans ákváðu að byggja hús og fengu tilboð í verkið. Alefli hlaut verkið.

Reifarasaga framsóknar er vissulega krassandi, en vona ég að fólk átti sig á því að hún er skáldskapur einn.

Ég á bágð með að þola að ráðist sé á samstarfsmann minn og fjölskyldu með þessum hætti. Öllu réttsýnu fólki hlýtur að vera misboðið. Ég gat að minnsta kosti ekki lengur á mér setið.

Herdís Sigurjónsdóttir formaður bæjarráðs

Greinin birtist í Mosfellingi 28. maí 2010